

Starfsáætlun leikskóladeildar Stöðvarfjarðarskóla

2013 - 2014.

Sími: 475-9050 netfang: sto@skolar.fjardabyggd.is

Góðir foreldrar, hér fáist þið í hendur upplýsingar og starfsáætlun leikskólans veturinn 2013- 2014.

Leikskólinn er opinn 07:55 - 16:00

Heimasíðan er www.stodvarfjordur.is

Starfsfólk deildarinnar.

Á deildinni sjá þær Inga og Sara um hina daglegu starfsemi. Auk þeirra kemur Borghildur Jóna í nokkrar klst. á viku inn á deild. Hún hefur jafnframt komið að afleysingum. Hennar aðalstarf er samt sem stuðningsfulltrúi í grunnskólanum. Einnig koma skólaliðarnir Eva María og Magda að starfinu, varðandi hafragrautinn, ávexti, hádegismatinn, þrif og afleysingar. Ingibjörg Eypórsdóttir er deildarstjóri. Skólastjóri er Jónas E. Ólafsson.

Viðveran

Sara Jakobsdóttir; sara@mikkari.net Alla daga 7:55 - 12.45

Ingibjörg Eypórsdóttir; ingaey@skolar.fjardabyggd.is Alla daga 09:00 - 16:00

Jónas E. Ólafsson; jonas@skolar.fjardabyggd.is Alla daga 8:00 - 16:00

Nemendur eru 6:

Gunnar Bjarmi Borgarsson	f. 2008
Dóra Maggý Friðjónsdóttir	f. 2009
Viktoria S. Björnsdóttir	f. 2009
Tristan Blær Kjartansson	f. 2010
Krystian Dawid Stankiewicz	f. 2011
Erna Björk Kjartansdóttir	f. 2012

Starfsemin.

Dagskipulagið.

Byrjað er á rólegu viðfangsefni svo sem skoða bækur, pússla, ofl.

Morgunmaturinn byrjar klukkan 8:30.

Klukkan 09:00 byrjum við á dansi í nokkrar mínútur og svo í samverustund.

Það er því mikilvægt að börnin séu mætt þá svo þau missi ekki af stundinni.

Dagskipulagið fylgir með á sér blaði og gott er fyrir ykkur að hafa það við hendina (eða í kútaskápnunum) svo þið getið kíkt á hvað er um að vera á hverjum degi og þar með er komið spjallefni við barnið ykkar.

Samverustund.

Farið er í hvaða dagur er, nöfn barnanna, hvað foreldrar og systkini heita, hvar á heima og afmæli. Æft í að standa fyrir framan hópinn að segja frá t.d hvað var gert um helgina. Farið í liti, tölur og form, sungið, lesið ofl.

Föstud. - jóga eða teygjur.

Val

Reynt að leyfa börnunum að velja sjálf hvað þau vilja leika með. Stundum þarf að nefna nokkur atriði og þá kveikja þau á perunni. Ætlast er til þess að mestu leyti að börnin séu í þeim leik sem þau velja sér, fá þó að skipta eftir 20 mín. ef þau eru óánægð með það sem þau völdu.

Hópastarfið.

Er þrisvar í viku, skólaverkefni á þriðjudögum, og fimmtudögum hjá 3 eldri börnunum og sér Inga um þau og á sama tíma er Sara með 3 þau yngri í verkefnum. Á miðvikudögum er þemavinna og þá erum við öll saman.

Á mánudögum er hreyfing og skiptist verður á fara í gönguferðir, íþróttahús eða hreyfingu inn á deild.

Eftir hádegi á þriðjudögum er myndmennt og eftir hádegi á fimmtudögum eru markvissir einingakubbar.

Útivera er alla daga.

Eitt og annað.

Við viljum minna á að nauðsynlegt er að börnin hafi meðferðis föt er hæfa veðri hverju sinni, kuldagalla, pollaföt, hlífðarbuxur og þ.h.

Þessi föt mega hanga í hólfum barnanna alla vikuna en vinsamlega takið þau heim á föstudögum.

Vinsamlega kíkið reglulega í kassann til þess að vita hvort það vantar í hann. Það er ekki skemmtilegt fyrir barnið ef það vantar húfu, vettlinga eða eitthvað annað, við höfum engin föt til að lána.

Við minnum líka á það að fötin sem börnin eru í á leikskólanum eru vinnuföt. Börnin fara að sjálfsögðu í svuntu þegar þau eru að vinna sullvinnu en alltaf geta komið fyrir óhöpp og þá er leiðinlegt ef það er ný og góð flík.

Munið að kíkja reglulega í kassann með aukafötunum.

Í kassanum á að vera: peysa, buxur, tvenn nærföt, sokkar og ullarsokkar, gammosíur, og tvennir vettlingar.

Við viljum biðja ykkur foreldrar góðir að virða stundaskrána, þ.e. koma með barnið ekki seinna en klukkan 8:30 ef það á að fá morgunmat og að koma klukkan 09:00 vegna samverustundarinnar.

Það er mjög truflandi að börnin séu að mæta þegar verið er í samverustund eða öðru hópastarfi.

Þannig að ef þið foreldrar góðir getið af einhverjum ástæðum ekki komið með barnið ykkar á umsóttum tíma, vinsamlega lítið þá á stundaskrána og sjáið hvenær hentugt er að kom með barnið.

Ef barnið er veikt eða í fríi vinsamlegast hringið og látið vita.

Vinsamlega komið með barnið inn á deild og vera viss um að starfsmaður taki á móti því.

Jafnframt viljum við minna ykkur á að virða umsóttan vistunartíma. Þ.e. ekki koma of snemma með barnið og ekki sækja það of seint. Við merkjum við í þau skipti sem það gerist. Rætt hefur verið meðal leikskólustjóra og fræðslustjóra í Fjarðabyggð að foreldrar borgi „sekt“ þegar svo gerist en ákveðið að gera það ekki að svo komnu máli.

Við leggjum mikla áherslu á að börnin séu ánægð og glöð í leikskólanum og að þeim finnist gaman að vera hér og hafi gaman af því sem við erum að gera. Þannig læra þau líka best.

Gott samstarf milli foreldra og starfsfólks er mjög mikilvægt.

Barnið er jú það sem sameinar okkur og við viljum auðvitað að barninu líði sem allra best.

Fjarðabyggð er að innleiða í alla skóla sína uppeldisstefnu sem ber heitið „Uppeldi til ábyrgðar“ og hefur verið kynnt ykkur að einhverju leiti.

Ef þið hafið áhuga á að kynna ykkur þetta betur, þá er hægt að nálgast bækurnar í bókasafninu.

Þær heita „Barnið mitt er gleðigjafi„ og „Sterk saman“ sem er meira byggð á leiðsögn um erfið börn.

Fleira verður nú sjálfsagt um að vera og verður það auglýst jafnóðum.

Munið einkunnarorðin okkar.

Gagn og gaman

Okkur finnst þessi orð segja það sem okkur langar til að leikskólinn okkar standi fyrir og ykkur er velkomið að nota þau á það sem við kemur leikskólabarninu ykkar.

Með kveðju og ósk um góðan vetur,
starfsfólk leikskólans.